



Hoërskool Marais Viljoen

Marais Viljoen High School



P/Sak/Bag X011, Alberton, 1450
h/v/clo Bodmin & Cradock St, Alberante, 1449
www.maraisviljoen.co.za GPS: S26°16.643' E28°07.972'
(T): 011 907 9013/4 (F): 011 9071038

22 September 2022

Geagte Ouers / Voogde

OMSENDSKRYWE 5 (2022)

1. PRYSUITDELINGS

Sport prysuitdeling vind 26 September 2022 in die skoolsaal plaas.

17:30 Skaak, Krieket, Swem, Tennis

19:00 Atletiek, Landloop, Gholf

Uitnodigings is reeds aan die leerders uitgedeel.

Vir navrae kontak die sportkantoor.

Sport prysuitdeling vind 17 Oktober 2022 in die skoolsaal plaas.

17:30 Rugby en Netbal

19:00 Hokkie, Gimnastiek, Ruiterkuns

Akademiese en Kultuur Prysuitdeling vind 20 Oktober 2022 om 18:30 by die Alberton Lewensentrum plaas.

Uitnodigings na hierdie prysuitdeling word deur die leerders se jaarpunt bepaal en sal dus vroeg in die nuwe kwartaal uitgedeel word.

Leerders wat in aanmerking vir trofee en ander toekennings wil kom, moet hulle kultuuruitslae by Me Vanessa Prinsloo Kamer 47 inhandig.

2. MATRIEKS SE UITLOOPSEREMONIE

Hierdie besondere geleentheid sal op Woensdag, 12 Oktober 2022 plaasvind. Die datum is verskuif na versoeke van die graad 12-leerders.

3. MATRIEKAFSKEID

Die matriekafskeid vind op 14 Oktober 2022 by Thaba Eco Hotel plaas. Die matriekafskeid is vir ons leerders die hoogtepunt van hul skoolloopbaan. 'n Matriekafskeid is egter nie 'n reg vir matrieks om by te woon nie, maar 'n voorreg. Ons doen dus 'n ernstige beroep op die matriekleerders om aan die vereistes te voldoen soos aan hulle skriftelik deurgegee is.

Ouers, familie en vriende word genooi om die voorstelling van ons matriekulante vanaf 15:30 by die skool by te woon, voor hulle na Thaba Eco Hotel vertrek. Slegs genooide gaste sal by Thaba Eco Hotel toegelaat word. Hierdie reeling is as gevolg van 'n daadwerklike spasie probleem.

4. MNR EN MEJ MARAIS VILJOEN

Hierdie glansryke geleentheid vind Vrydag 21 Oktober om 19:00 plaas. Daar sal nog 'n paar kaartjies teen R50 elk by die deur beskikbaar wees.

5. KENNISGEWING VAN BEGROTINGSVERGADERING

Die jaarlikse algemene begrotingsvergadering vind op Donderdag, 3 November om 19:00 in die skoolsaal plaas. Tydens die vergadering sal die begroting vir 2023 deur die finansiële voorsitter van die Beheerliggaam, mnr Bailey, breedvoerig bespreek word.

Die ouers teenwoordig se besluit t.o.v. die begroting is bindend vir al ons ouers en derhalwe moet die belangrikheid van ouers se teenwoordigheid beklemtoon word. Indien daar nie 'n kworum teenwoordig is nie, sal die vergadering op Donderdag, 10 November, gehou word en die ouers wat teenwoordig is, sal dan die kworum wees.

6. SOMERSDRAG

Somersdrag behels die volgende:

Seuns: Seuns mag 'n kortmouhemp sonder 'n das saam met 'n oortrektrui (pull-over) dra.
'n Langmouhemp kan ook gedra word, maar dan moet 'n das en oortrektrui gedra word.
'n Langmoutrui mag nie, soos genoem, in die plek van die oortrektrui gedra word nie.
Indien 'n leerder 'n baadjie wil dra, moet 'n das en oortrektrui / langmoutrui Gedra word.

Dogters: Dogters dra 'n kortmou oopslaanhemp saam met 'n springjurk. 'n Oortrektrui kan gedra word, maar is nie verpligtend nie. Wanneer 'n dogter egter 'n langbroek en kortmouhemp dra, **moet** 'n oortrektrui gedra word. 'n Langmoutrui mag nie in bogenoemde geval gedra word nie. Swartkouse en 'n das word **nie** saam met somersdrag gedra **nie**.

Ons besef dat daar nog koue dae kan wees, dus mag volledige wintersdrag steeds op sulke dae gedra word.

7. AANBOD AAN LEERDERS MET OOG OP 2023

Soos verlede jaar, wil ons weer aan leerders 'n aanbod maak om volgende jaar (2023) met 'n **skoon** rekord te begin, dus met 0 geakkumuleerde strafpunte.

Al wat leerders moet doen, is om te sorg dat hul strafpunte (in die regterkolom van strafpuntstaat) **onder** 50, m.a.w. 0-49, is op Maandag, **31 Oktober 2023**. Leerders moet dus sorg dat detensieklasse getrou bygewoon word.

Leerders wie se strafpunte bokant 50 is, se strafpunte sal oorgedra word na 2023. Dit beteken dat die geakkumuleerde punt oorgedra word. Die impliseer weer die volgende:

- Leerders sal bykans onmiddellik met detensie in 2023 begin.
- 'n Geakkumuleerdepunt bokant 400 kan 'n dissiplinêre verhoor reeds vroeg in die jaar beteken.
- Leerders wat strafpunte tydens die eksamen in November ontvang se punte sal in Januarie 2023 op die strafpuntstaat gereflekteer word. Alhoewel 'n leerder wat met onder 50 op 31 Oktober geeëindig het na "0" verander sal word, **sal die punte wat in November ontvang word wel na 2023 oorgedra word.**

Moedig asb. u kind aan om die geleentheid aan te gryp om 2023 met 'n skoon rekord binne te gaan.

8. EKSAMEN – 29 en 30 SEPTEMBER 2022

Vraestel 3(Huistaal), vir die einde van die jaar, sal op 20 September geskryf word. Indien 'n leerder sonder 'n doktersbrief afwesig is, sal daardie leerder 0 vir die vraestel kry. Hierdie vraestel tel 40% van die eindeksamen se punt.

9. KWARTAAL 3 eindig 30 September.

Die leerders moet skool bewoon tot en met 30 September. Leerders wat sonder 'n mediese sertifikaat afwesig is, sal -30 per dag ontvang.

10. EINDEKSAMEN

Die eindeksamen begin reeds einde Oktober / begin November. Die rooster sal beskikbaar wees sodra provinsiale datums deur die Departement beskikbaar gemaak is. Ons kan daarna eers ons datums op die rooster finaliseer.

Ons beveel ten sterkste aan dat leerders reeds moet begin voorberei vir die finale eksamen. Personeel sal die afbakenings vroeg in termyn 4 gee.

Onthou, in Gr.12 skryf leerders 'n eksterne eksamen en met verdere studies word afbakenings nie gegee nie. U sal dus begryp dat deeglike voorbereiding van uiterste belang is en dat tyd nodig is om 'n jaar se werk te leer.

U en u kind word sterkte toegewens met die eksamen se voorbereiding.

Geniet die kort Oktober vakansie.

Vriendelike groete

MARTIE HEYSTEK
SKOOLHOOF

LEIER IN VOLLEDIGE OPVOEDING